

**FRAMKVÆMDARÁKVÖRÐUN FRAMKVÆMDASTJÓRNARINNAR  
(ESB) 2021/1476****2021/EES/80/16****frá 14. september 2021**

**um að koma á jafngildi COVID-19-vottorða sem gefin eru út í Andorra og vottorða sem gefin eru út í samræmi við reglugerð Evrópuþingsins og ráðsins (ESB) 2021/953 til þess að greiða fyrir réttinum til frjálsrar farar innan Sambandsins (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2021/953 frá 14. júní 2021 um ramma um útgáfu, sannprófun og viðurkenningu samvirkandi COVID-19-vottorða um bólusetningu, próf og bata (stafrænt ESB-vottorð vegna COVID) til að auðvelda frjálsa för á meðan COVID-19-heimsfaraldurinn stendur yfir <sup>(1)</sup>, einkum 2. mgr. 8. gr.,

*og að teknu tilliti til eftirfarandi:*

- 1) Í reglugerð (ESB) 2021/953 er mælt fyrir um ramma um útgáfu, sannprófun og viðurkenningu samvirkandi COVID-19-vottorða um bólusetningu, próf og bata (hér á eftir nefnt „stafrænt ESB-vottorð vegna COVID“) í því skyni að auðvelda handhöfum þeirra að nýta sér rétt sinn til frjálsrar farar á meðan COVID-19-heimsfaraldurinn stendur yfir. Hún á einnig að stuðla að því að auðvelda afléttingu í áföngum á takmörkunum á frjálsri för, sem aðildarríkin hafa sett í samræmi við lög Sambandsins til að hefta útbreiðslu SARS-CoV-2, með samræmdum hætti.
- 2) Reglugerð (ESB) 2021/953 heimilar viðurkenningu COVID-19-vottorða, sem þriðju lönd gefa út til handa borgurum Sambandsins og aðstandendum þeirra, ef framkvæmdastjórnin kemst að þeirri niðurstöðu að umrædd COVID-19-vottorð séu gefin út í samræmi við staðla sem jafngilda þeim sem komið er á fót samkvæmt þeirri reglugerð. Enn fremur verða aðildarríkin, í samræmi við reglugerð Evrópuþingsins og ráðsins (ESB) 2021/954 <sup>(2)</sup>, að beita þeim reglum sem mælt er fyrir um í reglugerð (ESB) 2021/953 gagnvart ríkisborgurum þriðju landa sem falla ekki undir gildissvið þeirrar reglugerðar en dvelja eða eru búsettir löglega á yfirráðasvæði þeirra og hafa rétt til að ferðast til annarra aðildarríkja í samræmi við lög Sambandsins. Af þeim sökum ættu sérhverjar niðurstöður um jafngildi sem mælt er fyrir um í þessari ákvörðun að eiga við um COVID-19-vottorð sem gefin eru út í Andorra til handa ríkisborgurum Sambandsins og aðstandendum þeirra. Á sama hátt ættu slíkar niðurstöður um jafngildi á grundvelli reglugerðar (ESB) 2021/954 einnig að eiga við um COVID-19-vottorð sem gefin eru út í Andorra til handa ríkisborgurum þriðju landa, sem dvelja eða búa löglega á yfirráðasvæði aðildarríkjanna, með þeim skilyrðum sem mælt er fyrir um í þeirri reglugerð.
- 3) Hinn 9. júlí 2021 lét Andorra framkvæmdastjórninni í té upplýsingar um útgáfu samvirkandi COVID-19-vottorða um bólusetningu, próf og bata innan kerfis sem ber heitið heilsuþjónustukerfið (Andorra Health QR Server Module). Andorra upplýsti framkvæmdastjórnina um að það liti svo á að COVID-19-vottorð þess væru gefin út í samræmi við staðal og tæknikerfi sem eru samvirkandi við traustrammann sem komið er á fót með reglugerð (ESB) 2021/953 og gera kleift að sannprófa ósvikni, gildi og heilleika vottorðanna. Andorra hefur í þessu tilliti upplýst framkvæmdastjórnina um að COVID-19-vottorð, sem Andorra hefur gefið út í samræmi við heilsuþjónustukerfið innihaldi þau gögn sem fram koma í viðaukanum við reglugerð (ESB) 2021/953.

(\*) Þessi ESB-gerð birtist í Stjttíð. ESB L 325, 15.9.2021, bls. 33. Hennar var getið í ákvörðun sameiginlegu EES-nefndarinnar nr. 298/2021 frá 29. október 2021 um breytingu á V. viðauka (Frelsi launþega til flutninga) og VIII. viðauki (Staðfesturéttur) við EES-samninginn (bíður birtingar).

<sup>(1)</sup> Stjttíð. ESB L 211, 15.6.2021, bls. 1.

<sup>(2)</sup> Reglugerð Evrópuþingsins og ráðsins (ESB) 2021/954 frá 14. júní 2021 um ramma um útgáfu, sannprófun og viðurkenningu samvirkandi COVID-19-vottorða um bólusetningu, próf og bata (stafrænt ESB-vottorð vegna COVID) vegna ríkisborgara þriðju landa sem dvelja eða búa löglega á yfirráðasvæðum aðildarríkjanna á meðan COVID-19-heimsfaraldurinn stendur yfir (Stjttíð. ESB L 211, 15.6.2021, bls. 24).

- 4) Auk þessa upplýsti Andorra framkvæmdastjórnina um að það muni gefa út samvirkandi bólusetningarvottorð fyrir COVID-19-bóluefnin Vaxzevria, Comirnaty og Spikevax.
- 5) Andorra upplýsti framkvæmdastjórnina enn fremur um að það muni eingöngu gefa út samvirkandi prófvottorð sem byggjast á kjarnsýrumögnunarprófi.
- 6) Hinn 23. júlí 2021 upplýsti Andorra framkvæmdastjórnina um að það viðurkenni vottorð um bólusetningu, próf og bata sem aðildarríkin gefa út í samræmi við reglugerð (ESB) 2021/953. Andorra upplýsti framkvæmdastjórnina um að það muni viðurkenna sönnun fyrir bólusetningu með bóluefnum sem hafa leyfi innan alls Evrópusambandsins og öðrum bóluefnum sem lokið hafa skráningarferli fyrir skrá Alþjóðaheilbrigðismálastofnunarinnar yfir neyðarnotkun. Andorra upplýsti framkvæmdastjórnina enn fremur um að það muni viðurkenna prófvottorð sem byggjast á kjarnsýrumögnunarprófi (NAAT-prófi) (t.d. RT-PCR-prófi) og skyndiprófi sem skráð eru í sameiginlegu og uppfærðu skránni yfir COVID-19-skyndipróf sem samþykkt var af heilbrigðisöryggisnefndinni, sem komið er á fót með 17. gr. ákvörðunar Evrópuþingsins og ráðsins nr. 1082/2013/ESB <sup>(3)</sup>. Loks upplýsti Andorra framkvæmdastjórnina um að það muni viðurkenna vottorð um bata sem byggjast á jákvæðri niðurstöðu úr NAAT-prófi.
- 7) Hinn 23. júlí 2021 upplýsti Andorra framkvæmdastjórnina einnig um að við sannprófun vottorða um bólusetningu, próf og bata, sem aðildarríkin gefa út í samræmi við reglugerð (ESB) 2021/953, verði persónuupplýsingar, sem fram koma í vottorðunum, aðeins unnar til að sannprófa og staðfesta bólusetningu, prófniðurstöðu eða bata handhafa og verði ekki geymdar eftir það.
- 8) Hinn 6. september 2021 lét framkvæmdastjórnin gera tæknipróf sem sýndu fram á að COVID-19-vottorðin um bólusetningu, próf og bata, sem gefin eru út af Andorra í samræmi við heilsuþjónustukerfi þess, eru samvirkandi við traustrammann sem komið er á fót með reglugerð (ESB) 2021/953, sem gerir kleift að sannprófa ósvikni, gildi og heilleika vottorðanna. Framkvæmdastjórnin staðfesti einnig að COVID-19-vottorðin, sem Andorra hefur gefið út í samræmi við heilsuþjónustukerfið, innihaldi nauðsynleg gögn.
- 9) Þannig eru til staðar nauðsynlegir þættir til að ákveða að líta skuli á COVID-19-vottorð, sem eru gefin út í Andorra í samræmi við heilsuþjónustukerfið, sem jafngild þeim sem gefin eru út í samræmi við reglugerð (ESB) 2021/953.
- 10) Því ætti að viðurkenna COVID-19-vottorð, sem gefin eru út af Andorra í samræmi við heilsuþjónustukerfið, með þeim skilyrðum sem um getur í 5. gr. (5. mgr.), 6. gr. (5. mgr.) og 7. gr. (8. mgr.) reglugerðar (ESB) 2021/953.
- 11) Til að þessi ákvörðun öðlist gildi ætti að tengja Andorra við traustramma stafræna ESB-vottorðsins vegna COVID sem komið er á fót með reglugerð (ESB) 2021/953.
- 12) Til að vernda hagsmuni Sambandsins, einkum á sviði lýðheilsu, er framkvæmdastjórninni heimilt að beita heimildum sínum til að fella þessa ákvörðun tímabundið eða varanlega úr gildi ef skilyrði 2. mgr. 8. gr. reglugerðar (ESB) 2021/953 eru ekki lengur uppfyllt.
- 13) Í ljósi þess að nauðsynlegt er að tengja Andorra við traustramma stafræna ESB-vottorðsins vegna COVID, sem komið er á fót með reglugerð (ESB) 2021/953, eins fljótt og unnt er ætti þessi ákvörðun að öðlast gildi daginn sem hún birtist í *Stjórnartíðindum Evrópusambandsins*.
- 14) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið er á fót með 14. gr. reglugerðar (ESB) 2021/953.

#### SAMÞYKKT ÁKVÖRÐUN ÞESSA:

##### *1. gr.*

Líta ætti á COVID-19-vottorð um bólusetningu, próf og bata, sem Andorra gefur út í samræmi við heilsuþjónustukerfið, sem jafngild þeim sem gefin eru út í samræmi við reglugerð (ESB) 2021/953 til þess að greiða fyrir réttinum til frjálsrar farar innan Sambandsins.

<sup>(3)</sup> Ákvörðun Evrópuþingsins og ráðsins (ESB) nr. 1082/2013/ESB frá 22. október 2013 um alvarlegar heilsufarsógnir sem ná yfir landamæri og niðurfellingu ákvörðunar nr. 2119/98/EB (Stjút. ESB L 293, 5.11.2013, bls. 1).

2. gr.

Tengja skal Andorra við traustamma stafræna ESB-vottorðsins vegna COVID sem komið er á fót með reglugerð (ESB) 2021/953.

3. gr.

Ákvörðun þessi öðlast gildi daginn sem hún birtist í *Stjórnartíðindum Evrópusambandsins*.

Gjört í Brussel 14. september 2021.

*Fyrir hönd framkvæmdastjórnarinnar,*

Ursula VON DER LEYEN

*forseti.*

---